

85. FITXA GIPUZKOA – Gipuzkoako Lurralde Historikoan degradatutako eremuak leheneratzeko eta azpiegitura berdea hobetzeko proiektuak eta jarduketak gauzatzeko gauzazko dirulaguntzak

Nori zuzendua: Udalak, udal-erakunde autonomoak, mankomunitateak eta sektore publikoko entitateek partaidetutako merkataritza-entitateak, udal edo eskualde eremukoak, egoitza soziala eta fiskala Gipuzkoako Lurralde Historikoan dutenak eta sozietatearen kapitala soilik publikoa dutenak.

Sarbide-esteka: [Egoitza Elektronikoa - Gipuzkoako Foru Aldundia](#)

Erreferentziazko araudia: [Dirulaguntza hauen oinarri arautzaileak eta 2025eko deialdia: Gipuzkoako Lurralde Historikoan degradatutako eremuak leheneratzeko eta azpiegitura berdea hobetzeko proiektuak eta jarduketak gauzatzeko.](#)

Eremuak: Jasangarritasuna

Zenbatekoa: 300.000 €

Eskabideak aurkezteko epea: 2025/03/12

Laburpena

Oinarri hauen helburua da Gipuzkoako Lurralde Historikoko udalei, tokiko entitate txikiei, mankomunitateei eta udal eta eskualde merkataritza sozietateei **gauzazko dirulaguntzak** norgehiagoka bidez esleitzeko erregulazioa ezartzea, guztia ere Trantsizio Ekologikoko Zuzendaritza Nagusiak ekitaldi ekonomikoaren barruan Gipuzkoako **Lurralde Historikoan degradatutako eremuak leheneratzeko eta berroneratzeko eta azpiegitura berdeen funtzionaltasuna eta multifuntzionaltasun ekologikoa hobetzeko jarduketak eta proiektuak** egin ditzan,

Diruz lagundu daitezkeen jarduerak

Degradatutako eremuak **leheneratzeko eta berroneratzeko eta lurraldeko azpiegitura berdeak eta erresilientzia hobetzeko proiektuek eta jarduketek** ezingo dute lurzoru artifizializatua areagotu – asfaltatua edo hormigoiez estalita– aurreko egoerarekin alderatuta, eta gutxienez honako baldintza hauetatik bi bete beharko dituzte:

- Landarez estalitako lurrazalaren azalera areagotzea, edo lehendik den landaretza hobetzea (alegia, espezieen aniztasuna edo aniztasun estrukturala areagotzea, espezie inbaditzaileak

erretiratzea, espezie aloktonoak kendu eta autoktonoak landatzea eta, oro har, segida ekologikoaren bidean aurrera egitea).

- b) Ingurunearen gaitasuna hobetzea azpiegitura berde gisa hartu ahal izateko eta/edo zerbitzu ekosistemikoak emateko, izan kontserbazioa, hornidura, erregulazioa edo ezagutza eta gozamina.
- c) Fauna iragazkortasuna eta konektagarritasuna areagotzeko bide egitea, hainbat arrazoi direla eta erasanda dauden eremuetan (hala nola komunikazio azpiegiturak, hiriguneak, lurzoruen erabilerak eta abar).
- d) Baldintza morfologikoak, ekologikoak, fisiografikoak eta pasaiarekin lotutakoak hobetzea, integratzea, birnaturalizatzea/berroneratzea.
- e) Klima aldaketaren eraginen aurrean, lurraldearen egokitzapena eta erresilientzia lortzen laguntzea –berotegi efektuko gasak husteko gaitasuna areagotuta–.

Erakunde bakoitzak gehienez ere **bi eskabide** aurkeztu ahalko ditu.

Dirulaguntzaren xede diren obren memoria balioetsia edo proiektu teknikoa egikaritzeko aurrekontua edo kostu ekonomikoa ez da izango **48.000 euro** baino gehiago (BEZa barne), ezta **10.000 euro** baino gutxiago ere (BEZa barne).

Gastuetarako aldi hautagarria

Dirulaguntzaren xede den jarduketak edo proiektuak hasi gabe egon beharko du deialdiaren urteko **urtarrilaren 1ean**, eta **urte horretako bertako ekitaldi ekonomikoaren barruan** bukatu beharko du. Edonola ere, esandako jarduera edo proiektu hori izan liteke proiektu luzeago baten etapa bat (lehenago hasitakoa edo geroago amaituko dena).

Intereseko beste alderdi batzuk

Oinarri hauetan araututako dirulaguntzak **gauzazko laguntza** gisa hartzen dira; hori dela eta, dirulaguntza eman izanak eta erakunde onuradun izateak ez du inolako kobrantza eskubiderik ekarriko, baizik eta degradatutako eremuen leheneratze eta berroneratze jarduera hautatuetatik eskuratutako ondasunak entregatuko zaizkie erakunde onuradunei.